



Forskrift for gravplassane i Gloppen Kommune, Vestland

Jf. lov av 7.juni 1996 nr. 32 om gravplassar, kremasjon og gravferd (gravferdslova) § 21 (1)

Vedteke av Gloppen kyrkjelege fellesråd 27.01.2021

Godkjent av Statsforvaltaren i Vestfold og Telemark 14. april 2021

Trer i kraft frå 14. april 2021

§ 1 FORVALTNING

Gravplassane i Gloppen kommune er underlagt Gloppen kyrkjelege fellesråd

§ 2. DEFINISJONAR

Gravplassmynde: Gloppen kyrkjeleg fellesråd under utøving av forvaltningsansvaret sitt for gravplassane i Gloppen kommune, jf. gravferdslova med forskrifter.

Fri grav: Grav som gravplassmynde har tildelt ein avdød person frå kommunen, og som det ikkje blir betalt festeavgift for i fredingstida.

Festa grav: Grav som blir festa mot betaling av avgift.

Festa gravstad: Fleire kistegraver som er festa saman.

Urnegrav: Grav til askeurne med plass til fire urner, jf. gravferdsforskrifta § 14. Dette gjeld ikkje § 11 *Namna minnelund*, kor det med urnegrav blir sikta til grav med plass til éi urne.

Kistegrav: Grav som stettar forskrifa sine krav til storleik for gravlegging av kister. I ei kistegrav kan det også gravleggjast urner.

Fredingstid: Tidsrom frå siste gravlegging til grava kan takast i bruk igjen til ny gravlegging.

Festetid: Tida det er avtala å feste ei grav for.

Ansvarleg for grav: Den som er ansvarleg for ei fri grav.

Festar: Den som står som part i ein festeavtale.

Namna minnelund: Gravfelt for urner med felles minnesmerke med namn og data på dei som er gravlagde der.



GRAVPLASSFORVALTINGA I GLOPPEN

Gloppen kyrkjelege fellesråd

§ 3. FERDSEL PÅ GRAVPLASSANE

Besøkande skal om mogeleg ferdast gåande, jf. gravferdsforskrifta § 9 (2). Gravplassmynde kan etter søknad gi løyve til å køyre ved dokumentert sjukdom/forflyttingshemming. All køyring skal skje særlig omsynsfullt.

§ 4. GRAVPLASSTILHØRSLE

Avdøde personar i kommunen skal gravleggjast på den gravplassen dei soknar til.

Avdøde personar som på grunn av sjukdom eller alderdom har budd i ein annan kommune eller ein annan stad i kommunen mot slutten av livet, blir medrekna på same måte som kommunens eigne innbyggjarar, og har rett til fri grav så framt grava blir tilvist.

Avdøde personar frå andre kommunar kan bli gravlagt i kommunen mot at kostnadane ved gravferda og avgift som ved feste av grav blir betalt.

§ 5. FREDNINGSTID

Fredningstid for kistegraver er 20 år.

Fredningstid for urnegraver er 20 år.

Gravplassmynde kan vedta lengre fredningstid for enkelte graver.

§ 6. FESTE AV GRAV

Når kistegrav skal takast i bruk er det høye til å reservere ei grav ved sida av, og etter søknad til gravplassmynde; for ei ekstra grav i tillegg når behovet tilseier det. Desse gravene utgjer då éin gravstad.

Ved bruk av særskilt urnegrav kan det ikkje bli festa ei grav ved sida av. (*gjeld i felt avsett til urnegraver*)

Ved reservering av grav ved sida av den kistegrava som blir teken i bruk, er festetida 20 år.

Når festetida er ute, kan gravstaden bli festa for nye 5år. Når det er gått 60 år etter siste gravlegging, kan festet ikkje bli fornya utan etter særlig samtykkje frå gravplassmynde.

I god tid før festetida er ute skal festaren bli varsla. Er ikkje festet blitt fornya innan seks månader etter forfall, fell grava eller gravstaden tilbake til gravplassen.

Innbetalt festeavgift blir berre betalt tilbake dersom tilbakebetaling følgjer av bindande rettsregler eller det ligg føre særlege grunnar.

Ingen kan bli gravlagt i festa gravstad utan festaren sitt samtykkje. Dersom det ikkje er råd å hente inn samtykkje frå den ansvarlege eller festaren til bruk av festa grav, kan gravplassforvaltninga ta avgjersle om gravlegging.

Festar pliktar å melde adresseendring.



GRAVPLASSFORVALTINGA I GLOPPEN

Gloppe kyrkjelege fellesråd

§ 7. GRAV OG GRAVMINNE

Ved opning av grav kan jord bli lagt på omkringliggende graver og gravutstyr kan mellombels bli flytta. Gravplassforvaltninga sørger for istandsetting igjen, og vil også sjå til at grava blir planert og tilsådd med gras etter gravlegging. Montering av gravminne kan først skje etter at gravplassforvaltninga har godkjent gravminnet og merka staden der det skal stå. Det kan ikkje bli sett opp tidlegare enn 6 månader etter gravlegging av kiste. Gravminne på urnegrav kan bli sett opp med ein gong etter urnenedsetting. Så lenge ein ventar på gravminne sørger gravferdsbyrået for eit merke med avdøde sitt namn på.

På nyfesta gravstad skal gravminnet plasserast i bakkant av den grava som er tatt i bruk, og blir sentrert på gravstaden etter neste gravlegging.

§ 8. PLANEFELT

Framfor gravminnet er det høve til å opparbeide eit plantefelt i høgde med bakken omkring. Det må ikkje vere breiare enn gravminnet si breidde, men kan i alle tilfelle vere opp til 60 cm breitt. Det kan ikkje stikke lengre fram enn 70 cm, målt frå gravminnet sin bakkant. På graver for born og urnegraver er målet 50 cm. Det kan ikkje plantast vekstar som overstig gravminnet si høgd eller går utover plantefeltet.

Det er høve til å tenne stearinlys og oljelampe på grava, så lenge dette er innanfor gjeldande reglar om brannvern. Stearinlys, oljelamper og andre lause dekorgjenstandar skal fjernast etter bruk.

Gravplassforvaltinga kan setje forbod mot enkelte typar gravlykter

Det er ikkje høve til ramme inn plantefeltet eller delar av det med hekk eller døde materiale.

Dersom det ikkje er aktuelt å ha plantefelt, skal det vere grasbakke på alle sider av gravminnet.

§ 9. PLANEMATERIALE

Planter, kransar og liknande materiale som blir nytta ved gravferd eller ved pynting av grav og som endar som avfall, skal fullt ut vere kompostérbare.

§ 10. STELL AV GRAV

Kvar ansvarleg for frigrav eller gravfestar har rett og plikt til å stelle den grava vedkomande har ansvaret for. Plantefelt som ikkje blir tilplanta eller stelt skal såast til av den ansvarlege eller bli sådd til av gravplassforvaltninga.

Ansvarleg for grav eller festar pliktar å halde gravminnet sikra og i forsvarleg stand.

Ansvarleg for grav eller festar kan gjere avtale om at gravplassforvaltinga, og den som får løyve til det etter § 12, kan utføre planting og stell av grav (, samt montering, sikring og vedlikehald av gravminnet). Ein slik avtale fritek ikkje den ansvarlege eller festar frå det ansvaret dei har etter reglane som til ei kvar tid gjeld.



GRAVPLASSFORVALTINGA I GLOPPEN

Gloppen kyrkjelege fellesråd

§ 11. NAMNA MINNELUND

Ved gravlegging i namna minnelund skal namn og data til avdøde førast på ei namneplate på felles minnesmerke.

Graver i namna minnelund kan bli festa på lik linje med andre graver på gravplassen.

I namna minnelund kan det bli festa ei grav attmed. Ved feste av grav attmed skal det betalast festeavgift frå tidspunktet då den første grava blir tatt i bruk. Ved feste av grav i namna minnelund vil ikkje gravene nødvendigvis kome attmed kvarandre, men namneplatene.

Ved gravlegging i namna minnelund må det betalast for kostnader til namneplate og del av minnesmerke, planting og stell.

Gravplassforvaltninga har ansvaret for felles planting og stell i minnelunden. Det er ikkje høve til å opparbeide eige plantefelt for grav i minnelund. Det kan leggast ned blomar og tennast gravlys så lenge dette er innanfor gjeldande reglar om brannvern, på ein stad tilvist av gravplassforvaltninga.

§ 12. NÆRINGSVERKSEMD

Næringsdrivande som ønskjer å drive verksemd på gravplassen skal hente inn løyve frå gravplassforvaltninga. Løyvet kan kallast tilbake dersom vedkomande ikkje rettar seg etter dei reglane som gjeld.

Slik verksemd kan berre omfatte montering, sikring og vedlikehald av gravminne og planting og stell av graver.

§ 13. ARBEID PÅ GRAVPLASSANE

Anleggs- og vedlikehaldsarbeid skal skje på kvardagar i arbeidstida (kl. 07:00-17:00) og må ikkje utførast på søndagar, heilagdagar eller offentlege høgtidsdagar. Ikke noko arbeid på gravplassen må vere til sjenanse for seremoniar eller rituelle handlingar på gravplass eller i bygning på gravplass. Næringsdrivande kan berre køyre på gravplassen i den grad det er nødvendig for å utføre arbeidet. Slik køyring skal skje ekstra omsynsfullt.

§ 14. DISPENSASJON FRÅ VEDTEKTENE

Gravplassforvaltninga kan i særlege tilfelle og innanfor ramma av gravferdslov og gjeldande forskrifter fråvike vedtekten i § 4, 6, 7 og 8..